

Uſus. Doſis eſt, ab octo, ad decem guttas, in aqua oxalidis, tormentillæ, plantaginis; contra omnes fluxus ventris & dysenterias. Stomacho etiam imbecilli corroborando convenit.

TINCTURA CORALIORUM.

Antequam ad coraliorum tincturas accedam: operæ precium me facturum exiſtimo: ſi veterum errorem, de illorum naturâ paucis hîc refutem. Exiſtimant enim: coralium, in abyſſo maris, molle eſſe; extra mare verò, demum dureſcere. Unde Ovidius ait, *quarto Metamorph.*

Nunc quoque coraliis eadem natura remanſit: Duritiem tacto capiant ut ab aere, quodque Vimen in æquore erat, fiat ſuper æquora ſaxum.

Et decimo quinto Metamorph.

Sic & coralium, quo primum contigit auræ, Tempore dureſcit, mollis fuit herba ſub undis. In eodem errore hæſerunt & alii, ut in Dioſcoride videre eſt, *lib. 5. cap. 139.* & adhuc ſunt, qui eundem fovent. Monardes enim, de Ambaro differens, ait illud bituminis genus eſſe, ex fontibus, in alto puri manans, quod aeri expoſitum illico denſetur, ut ſolcant pleraque, quæ ſub marinis aquis tenella

*Natura
coraliorum
in mari
qualis.*

*Vide inprimis
Tinctur. p. 203.*